



讀史亭詩集卷十三

南陽彭而述禹峰甫

七言律下

庚子元日

以下漢黔集

青草湖邊青草生一樽正對馬王城
天涯兒女春星聚蠻窟衣冠異國情
海上樓船方定亂劍南節度未休兵
自憐垂白空留滯搔首中宵夢未成

潭州別蔣太守

一生慣作長沙客今日并州去故鄉
好友如君別後少新愁似草與春長
總教報國心偏壯即使封侯鬚已蒼
况是牂牁初置郡五溪還復入瀟湘

潭州江上別吉太丘

春江二月理歸舟五載鄉園旅夢稠已是同心難遽別
况兼異國各增愁清時久負雲臺仗老去羞稱關內侯
他日長沙醜酒處音書莫忘海西頭

再登黃鶴樓

二首

飛樓縹緲著江干霜鬢登臨記往年隔听春城來檻外
亂帆斜日到尊前山連秦蜀開荆甸水下東南盡楚天
回首滄桑生感慨孫劉興廢幾茫然

武昌往事問如何樊口邾城戰骨多萬里江身樓上盡
三春柳眼醉中過漢陽節鎮方東下天上將軍已渡河
自昔荊州雄勝地鳳凰山勢舊嵯峨

鄂渚別趙興寧柱史之官滇南

春城煙雨酒盈卮大別山前賦別離黔郡猶傳秦歲月
昆明舊識漢旌旗干盤路吐檳榔塢一線天開瑋瑁池
他日益州來驛使武昌雲樹是相思

邵陵別王振寰將軍時公移鎮黔予赴滇中右轄
一尊動是隔年春並轡何堪萬里塵黔地元來分舊楚
滇池仍自接新秦星文乍見益州客圖籍全歸禹貢人
聖主酬恩還白馬與君拉手上麒麟

登飛山觀舊戰場

孤筇此日躡飛山脚底芙蓉霄漢間偏霸宜稱百粵長
奇峰直壓五溪蠻佛前燈火五猿嘯樹裏經聲老衲還

回首沙場雄劍在川原依舊鬢毛斑
揭來萬里事征鞍贏得風霜兩鬢殘此日飛山仍不改
十年夢裏幾回看粟藏土窖穀形在客入僧寮雨氣寒
聞說滇黔戈未息可能待我復登壇

登鎮遠城東山峒

蒼崖壁立壓江清楚水黔山幾戰爭別有丹梯開佛地
遙聞石頂出經聲鐵溪沙上苗人渡油榨關前古木平
久報西南傳漢捷金沙改作受降城

黔中別公卜

有引

與黃公卜友善十五年矣庚子之役抵黔相晤
歡如也 是時君奉新綸移南粵余之官滇中未

卜後晤更在何時書此以見知己離合之際

他鄉把臂慰同心何事萍踪俱在黔往日離愁頻入夢
一番老大倍霑襟王褒持節來滇海陸賈傳書下桂林
咫尺牂牁成聚散鷓鴣啼處夏雲深

同張心水黔州城樓夜坐予曾筮仕太原君晉人
也

榆關紫塞接并州寶馬青韁憶舊遊一自多難催老鬢
空教薄宦悞滄州成名久愧銅龍仗再嫁深慚燕子樓
卻笑雲中李太守即逢高帝不封侯
石逕嬾姍困馬蹄黔山無樹草萋萋遙聞虎節時相過
不盡羊腸路欲迷萬國車書歸正朔一王疆域過雕題

漢家郡邑還交趾敢謂君王息鼓鼙

登貴陽城樓

庚子仲夏

黔州山郭帶斜暉亂後瘡痍者舊希將相籌邊甲未解
荆吳轉餉輓初飛朱門柳絮何王殿客路葵花返照磯
近日牂牁成內地不須更縛夜郎歸

異鄉風物雨垂垂粉壁丹楹帶角吹往日旌旄開鬼國
幾年聲教滿羅施天連參井周官在地接荆梁禹貢知
今日欣逢漢武帝還看躍馬過滇池

關嶺懷古

天限滇黔設此關卓刀泉下水潺湲殘碑草沒斜陽外
戰壘雲深斷岫間後主乾坤畱日角武侯功業盡征蠻

可憐華夏三分土一去荊州竟不還

將軍遺廟噪棲烏攬轡荒山日欲晡短碣蝸涎苔剝落
虛堂鬼火樹凋枯箕裘齋恨三分國社稷纔成五月瀘
卻喜山河蒙姓字常流漢月接成都

初到滇池

西南萬里隔風煙歷盡崎嶇見大川六詔雄圖餘戍壘
九州王會入星躔路經熨爨思莊躡人到孫梁憶馬遷
聞說交州新入貢為君好上旅葵篇
劍南風物值初秋萬里炎荒據上游水下蘭滄通大夏
山連蔥嶺接姚州漢威遠播姑繒塞王爵新分昫町侯
况是白狼今作頌銅標應過海西頭

苴蘭城下水盈盈百戰關河未息兵
邛笮曾聞通粵雋
夔僮那解閉昆明
開皇再啓蜻蛉路
武德新開檢校城
從此西南無戰伐
細腰緬甸一時平
白崖風土海旃田
揮國波村割據偏
星野自分鬼井外
山川舊識段蒙前
漢家乍授元封朔
秦道初開五尺天
日暮昆彌池上望
南來可是舊樓船

交水

歷盡巉巖更着鞭
忽逢水國見桑田
時光乍可如三月
風物依稀似潁川
幾處茅蘆攢葦岬
一隄楊柳帶城邊
雕弓挾彈誰家子
手擁紅粧馬上還

庚子李嵩岑彭駿聞楊筠伯遊鸚鵡寺

萬木陰森帶夕暉
更兼薜荔冒征衣
丹楹也解畱叢桂
雲館何年種紫薇
曲磴時邀麋鹿過
落花偶傍鷓鴣飛
天涯兄弟今宵月
跨馬應須爛熳歸

滇中送楊拙菴之秦

別離况復在天邊
異國關情倍可憐
歲月八千開蜀道
山河百二紀秦川
溪橋飲馬催紅葉
野店停車問杜鵑
屈指征鞍春色裏
人來多在雁歸前

送楊筠伯丁艱還漢中

眼底心知各異鄉
何當分手是昆陽
峽猿已自成揮涕
隴水何堪解斷腸
戎馬關山餘戰壘
金錢歲月下眞王
許人剩有一身在
不及黃泉更不妨

辛丑元日滇中

天涯此日對椒觴萬里游踪憶故鄉岳牧呼嵩趨帳殿
鞞合樂拜龍章可知軌物一王會不數聲靈六詔
西域關門連咫尺聖明未可但垂裳

壯心可許老能酬夜半婆娑匣裏鈎瘴厲徒聞銷戰馬
文章從不及封侯本朝正朔連荒服此日山川盡益州
把酒還思韋節度聲靈猶在海西頭

昆明正月馬君輝招飲水亭

天邊讌集值春王眼底金尊客異鄉樹裡烟嵐城半壁
花間臺榭水中央却憐舊邸人還到何事空庭草獨芳
碧砌朱欄渾似夢江山元不記興王

正月廿日聞桂林之信

已是昆明人萬里何妨更作桂林行相如詞賦西南徼
陸賈詩書百粵城對酒雄心還看劍冗官白髮莫論兵
鐵橋此去銅標路愁聽征鴻斷續聲

別滇中僚友之官粵西

滇雲歷盡見巒岓九郡還從嶺外看越塞墩臺成信戍
大朝符璽本流官千山畫角荒城暮二月春風客路寒
薄海爭傳文帝詔尉佗早已繫長安

二月春風天地寬大君有命下長安宦遊不謂邊城苦
遠別其如知己難孝武石鯨昆水動日南銅柱海光寒
鷓鴣亭子梅花驛萬里征人馬上看

滇中寄畢四世江夏

獨憐老病不抽簪異國風光殊未諳
早歲驅車曾冀北此番稅駕更天南
秋深石蛭催黃葉露冷滄螺散毒嵐
回首并州思舊雨漫勞鴻雁過江潭

又寄衡分守胡君

雲南氣候古來偏靡莫山河爨棘田
戰壘荒城蒙段外華風邊月漢唐年
虎關舊阨巴黔險蛇徑纔通楚粵天
萬里懷人秋葉下衡陽可有雁書傳

辛丑春滇中奉別袁中丞四首

碧雞山下聽鳴騶天使今看過益州
路盡朱垠日北戶國通身毒水西流
建元戰伐番陽令大夏勲名博望侯

聞說東南金粟困好憑甌脫上邊樓

南國輸將未息戈嫖姚此日意如何
十年父老瘡痍盡萬里征人慷慨多
都護威名過六詔邊城謠俗雜諸羅
可知禹貢山川外境內瀘江即黑河

開天聖主拓封疆此日車書過永昌
已見巘邊成內地可知大帥出中堂
冊書自領諸侯長鹵簿爭如異姓王
飄渺蒼梧雲外路不堪魂斷是昆陽

青郊暮雨入旌旗楊柳煙寒帶酒卮
萬里趨陪憐異國一番邂逅惜同時
嶺南勲業馬援柱峴首人心羊祜碑
五管風煙連六詔尊前揮手各天涯

再過會同有感

有引

歲順治戊子余以撫黔之役大戰靖州城下收
兵會同時夜半矣駐武昭鎮十餘日辛丑以滇
藩移桂林往來經此念昔年披堅躍馬指揮陷
陣抑何壯也今蹉跎多年留落不偶一官萬里
尚復轅駒抑又何憊也走筆紀事以誌今昔之
感

衆山稠疊著荒亭鐵馬征袍膩血腥何處戰場思鉅鹿
空餘燐火散流螢川原無恙人偏老城郭空存樹獨青
髀肉蹉跎成浩歎不堪重對舊居停

六詔歸來還五嶺漫將往事問龍標

靖州別高將軍

時公移粵東
予移粵西

琥珀紅燈醉眼橫兩年把臂靖州城天涯茗酒畱書劍
海內風塵老弟兄萬里旌旄憐此日五溪風雨倍含情
東西咫尺蒼梧水握手還期在此行

自滇藩移粵再過武岡吳六吉太守話舊二首先
是予以順治戊子持黔節過此今辛丑十四年矣
今昔之感聊記歲時

山程迤邐見崎嶇踏盡蠻烟聽鷓鴣萬里滇黔霜後鬢
半年行李雨中途臺隍亂後蓬蒿長棟宇凋殘燕雀孤
却笑征鞍還未歇明朝跨馬入蒼梧

黔中節鉞舊如何十四年中此再過風景不殊人更老
江山無恙亂偏多一時草昧餘行在往日雲臺感逝波
異國金尊明月夜相逢莫惜醉顏酡

新寧竹亭王砥如明府招飲

長干曲折一亭幽乍歇征輪載酒遊自笑頻年常負弩
那知垂老未封侯松門積雨青苔壯石壁盤渦白鷺浮
極目關山南楚盡漸看百粵入交州
王程此日下炎荒楚粵滇黔萬里長短髻逢人羞作吏
如君不過暫為郎晴江翠靄搖朱檻近郭飛花亂石牀
咫尺招提成聚散可能不醉負斜陽

寄江州崔使君

北征雨雪記長安上苑鐘聲到夜闌自笑游踪成汗漫
誰憐老態獨闌珊雲開匡嶽千峰出江入潯陽九派寬
海國烽煙新戰後估船可似舊時看

西粵送南司李之河間

嶺南送客值初秋萬里征鞍足壯遊白露蠻江彫木葉
黃沙羯鼓下營州銅鑣未撤雲中戍鐵券新頒海上侯
此去盧龍還弔古英雄若個是田疇

灤江送楊崑伯開幕東粵

浪跋朱崖海國波戈樓南下意如何家聲百粵留楊僕
漢業三傳定尉佗組練霜寒驅瘴癘蝮弧電繞捲星河
卽看窮島登王會盛世明珠不用多

桂林飲勳字將軍因憶迺兄陳自修便羽卻寄
我自昆明南下日當君捧檄夜郎時豈知水陸三苗路
恰左舟車一日期嶺外游裝嗤陸賈黔中遠畧羨張儀
千山橘柚天涯客黃葉秋風雁字遲

中秋前二日西粵署中桂花盛開同方伯胡德輝
臬長黃抑公衡僧破門酌其下

桂林恰值桂花開難得相逢共酒杯萬里蠻鄉同作客
一城黃葉此登臺天邊宦跡僧能到嶺外秋聲雁不來
明月況臨金粟夜莫教漏鼓更相催

靖江廢邸同藩伯胡德輝臬長黃抑公學憲尚紫
雲諸君秋集獨秀山下

無情最是此中山閱盡王孫只等閒尚有高臺堪命酒
兼逢勝侶一開顏石鯨薜荔秋蟲出玉甃梧桐野鳥還
莫向西風增感慨漢家樓閣暮雲間

七夕飲德輝亭看盆荷

棲遲衰髻滯天涯知己相逢興獨奢烏鵲剛逢銀漢夜
芙蓉更放玉池花客來絕嶠聞秋杵亂後孤城響暮笳
憶得昨年同此夕昆明海角醉琵琶

嶺外讀登極詔

綸綽風行下九閭邊臣拜舞到崑崙山河當璧須垂統
社稷遺弓待紀元玉几初宣正月詔金甌無恙兩朝恩
真龍只在長安邸六傳何須更代藩

粵山九月朔賡長至表

白露秋深木葉降况臨重九雨淙淙初陽表篆呼嵩歲
驛使星催下瀨艤壯志如灰飛不起歸心似鴈欲成雙
日南境上日南至猶望雲臺憶上邦

桂林送破門有柳州之行

以下粵遊集

嶺南秋氣北風號天末星辰分外高客路無端憐此夕
禪心如水照江臯多年雁浦留雙樹一鉢龍城駕小舸
况是河東人又去未逢知己莫揮毫

芝舫詩

德輝先生公解芻築精舍額曰芝舫昭其象也
芝者舟所畫也猶之鷁也四面弘敞如在江湖

公有作予輩和之

萬里南遊快不禁粵山瘴癘莫相侵老來未改虞翻骨
裝去何須陸賈金牀下鴟夷清濁酒花前玉案短長吟
奇峰海內此中半日對芙蓉散客襟

崑崙懷古

邕州山勢控巖邊曾記將軍破賊旋宋室山河憑一鼓
狄公俎豆合千年北門和議澶淵後元昊軍鋒大夏前
幸有崑崙傳此夜兵威猶自到南天
鐵馬雄風瘴海邊巖關燈火一鳴鞭可知千騎催軍鼓
爭似元宵擲地錢蠻雨寒煙山鬼靜炎洲驛使荔枝鮮
畫江獨有白溝在不問盧龍亦可憐

西粵于撫軍晉爵總制
戟門畫角小春霜幕府黃麻下帝鄉域外爭傳文潞國
軍中舊識郭汾陽 興朝符璽通南海此日車書到越
裳卻笑漢家頻度嶺漫勞使者日相望

送祖大叅入覲

君恩從不靳蠻天况是臣工入奏年京洛曾傳桓氏馬
中原舊著祖生鞭周官劍履星辰上漢使車書瘴癘邊
聖主如詢疆場事朱崖近日是甘泉

憶雪

十月煙林迴自芳南中無雪亦其常可能更作梁園賦
如對高歌郢客傷野鶴歸來仍淡掃梅花失艷只凝香

天心可喜還無外雨露年年到洛陽

憶浯溪

苦竹寒流遍野塘曾經杖履一徬徨至今尚憶春陵句
所恨全無刺史坊落葉虹橋天寶後墟烟牧犢古菴旁
瀟湘兩岸漁樵路猶自逢人說漫郎

滇中讀芝麓先生詩奉懷四章煩耀武大叅寄去
以代起居書之伏波山下

京華旅食問如何把臂高粱七載過何事東山還未起
貴人白水近來多遠嵐共對新螺髻好友時驚舊雀羅
為問成均老祭酒可能日日醉南和

昆明池上讀良書離索山川更起余詞賦應逢孝武賤

王侯爭似沛豐初一官潦倒日南國萬事灰頽下澤車
展轉還思燕市夜春鴻秋雁幾躊躇

霜紅北雁憶蘆溝紫陌風沙別舊遊薄宦真慚南海尉
炎荒幾見荔枝秋東都何可無元禮北海兼能識豫州
經國文章臺閣外金門獻咏任沈浮

往歲從軍六詔旁雲霄一札寄龍驤曾聞諫草摧張禹
果見人心重范滂金馬碧雞連瘴海龍城象郡古朱方
重來載酒知何日共醉揚雄書一牀

附
和韻

龔鼎孳

天涯佳句到陰何銅鼓山高玉腕過名士古來環甲
少酒人當日盍簪多風雲羨汝新笳吹歲月憐吾老

尉羅最憶軍城張讌地碧油花月繞雲和

漢廷流涕治安書謠詠申申其詈余四海交遊官謫
後三更燈火雁來初春星惜別惟彈劍他日相逢肯
下車矯首南雲無羽翼臨風托寄一躊躇

昆明烽火照金溝飛檄籌兵總壯遊報國已銷銅馬
憤移官重對嶺猿秋身隨蛇虎穿千嶂笑看蒲萄換
一州鈴閣把詩還極望點蒼青翠逼天浮

臥龍勲業日南傍悵望天衢首獨驤抱膝已知追管
樂論心終自許膺滂歌成神馬來西極戰定珠崖奉
朔方安得從公參佐暇婆娑衰客坐胡牀

灕江曉棹

伏波山下繫江船
畫角鐘聲破曉煙
無數青山浮水出
中流夜雨帶帆懸
驚殘龍夢愁珠去
直踏蛟宮泛斗邊
最是無情分水嶺
一時南北鼓闐闐

送袁司馬得請歸秦

湖南兵氣掃欃槍
萬里車書到帝京
此日滇黔歸正朔
當年元老是長城
赤松去國君恩重
綠野開堂相業成
好去終南山色裏
白雲積雪兩縱橫

長兒捷至諸公損詩來賀奉酌二首

談經舊笑魯諸儒
一劍成名亦丈夫
翰墨今能嫺絳灌
箕裘原不到孫吳
丹書帶礪兵間客
畫閣麒麟塞外圖
白髮青山猿鶴夢
高陽忽憶舊時徒

門外驚聞長者車
况堪走賀到吾廬
敢云饒具封侯相
竊喜從無讀父書
漢詔賢良兼將帥
蠻疆鋒鏑未銷除
試看衛霍征車日
爭似文園賦子虛

寄馬提督

炎荒十載震熊羆
鹵簿軍中畫角吹
驃騎封侯方弱冠
樓船下瀨過南陲
戟門琥珀梅花落
幕府瓊瑜白紵辭
卻笑君家新息老
功成銅柱尚遲遲

冬溪

客裏無從紀歲時
炎荒消息老梅知
日窮南陸風斯勁
序逼東皇晷轉遲
海國戈船烟島外
金沙鐵馬雪山陲
瘴雲釀水醲如染
莫向灘江照髻絲

全陽送葛李二將軍自粵移守黔中

嶺南風雪暮江頭
羯鼓鐃歌送客舟
兩岸梅花爭送酒
一軍畫角獨驚鷗
山川漸入羅施部
壁壘多傳新息侯
此去偏橋堪飲馬
春煙初漲五溪流

湘山古寺抱江涯
送客長干酒一卮
聖主而今思將帥
巖疆自昔重熊羆
晴開衡嶽山連陣
水下牂牁夜渡師
漢業西南餘勝蹟
伏波香火武侯祠

辛丑歲杪桂林送紫雲同社以萬壽節入覲便道

省侍

使者朝天五嶺西
呼嵩萬里動雕題
江城柳色催鴻陣
驛路桃花到馬蹄
歲月南荒蠻雨散
關河故國白雲低

臨邛詞賦誰能薦
倘可金門手共攜

辛丑除夕

孤燈忽憶在天涯
書劍無成老病奢
歲月何能畱此夕
乾坤亡賴是梅花
他鄉有酒難成醉
薄宦無媒枉自嗟
料得明年頭更白
須尋勾漏問丹砂

駒隙頻教瞬息過
低徊無計可留他
半生日月客中送
異國山川老去多
定有親朋思瘴癘
轉憐兒輩滯關河
無端又作明年想
五嶺春光更若何

壬寅元日

甌駱風煙漲海濱
獨憐垂白宦遊人
漢侯從不及文吏
南粵由來稱外臣
萬里呼嵩紫陌遠
三江飲馬戰場新

十年故國松楸淚流落炎荒又一春

晤郢上呂補菴予先是丙戌曾督學楚中

嶺外逢君憶舊遊低徊猶記木蘭舟
郢中詞賦曾飛雪漢上笙歌半倚樓
敢謂傳經思絳帳或因繫馬念并州
伏波山閣春星聚遮莫金樽散客愁

胡德輝開府南贛

東南劍氣動星纏節鉞纔臨章貢天
三十登壇開大府九重推轂紀元年
尊前玉帳珊瑚國花底鏡歌翡翠船
往事無如新建伯勲名更得幾人傳

戈船萬隊捲犀渠虎節剛逢鳳曆初
嶺上星河搖漲海天邊鼓角下匡廬
番禺雖定兵難解樂浪頻年計轉踈

鈴閣今居形勝地乘時早上太平書

桂林逢磐石兼訂金沙之約

武昌江上酒盈卮邂逅長干自一時
豈謂炎荒重到此轉憐垂白是相知
千山行橐蠻雲暮一葉秋風旅雁吹
聞道金沙還繫馬遙看鐵鎖認旌旗

因李磐石寄韞退肇慶

記君弱冠起山東上苑文章較爾雄
一自滄桑開景運轉憐老病各成翁
三江五嶺人如寄一札十年嬾未通
今日相逢白下客好從吳季奏齊風

十平聲

香山殘雪對金卮轉眼關河散驛騎
萬里游踪今老大一番世路幾參差
炎荒戰伐伏波廟西漢詩書陸賈詞

自笑與君同繫馬可能斗酒一追隨

再因李磐石寄趙糧儲霞湄東粵

春花對酒憶黔州兩粵忽分天盡頭共爾東西持嶺嶠
還如風雨隔羅浮炎荒氣候違諸夏海國金錢據上游
近日朱崖不可棄戈船便許下琉球

樓船十萬下南陲使者今看領度支槍壘山高懸白粲
菴間海外閃朱旗平開幕府枕榔驛傾倒金尊瑋瑁池
君在番禺我桂嶺一江明月照相思

送沈羽生遊擊歸大同

把手蒼梧訂後期蠻雲漠漠下南陲何妨暫屈藍田尉
有日相逢皇甫規紫塞黃榆君去早三江五嶺雁來遲

一樽濁酒天涯客兩地銷魂是此時

董魁吾兵巡鬱林

天使旌旄動九真珊瑚耀馬寶刀頻可知灞上真兒戲
自古征南屬老臣帳下叅軍遼海客馬前義從隴頭人

汾陽部曲如雲散今見臨淮壁壘新

公為經畧
所任舉

馮季觀裨將涿州相國弟

嶺南暫許寄長城上將胸藏十萬兵每過雲中思魏尚
輒經易水笑荆卿汾陽好自多兒女定遠何曾借父兄
自揣頽唐難躍馬爭如一劍蚤成名

寄懷州守家弟晤山

連宵有夢寄懷州略記相逢庾亮樓一自孤舟成聚散

廿年信使各沈浮雲邊玉屋當軒出天外黃河遶郡流
搔首南荒鬚更白雁書不到嶺西頭

寄平南

癸卯春別來十五年矣

百戰荆湖草昧時王門畫角閃朱旗偶因異姓傳吳芮
卻許元勳是子儀遠畧還開羅甸國書生舊憶夜郎師
東南天地九真外歲歲長安貢荔枝

王師十萬挽雕弧邸第雄開百粵都地枕交州叢翡翠
天連海角走珊瑚魚鱗亭障日南郡馬齒山川王會圖
往日梁園詞賦客誰憐垂白滯蒼梧

寄侯筠菴粵東提學

大梁自昔說侯生此日宮墻百粵城遂有圖書開地氣

歌來雲漢本天成傳經海上龍樓近持節交南象馬鳴
十萬兵賢書一紙炎荒久報泰階平

征賊詩

獐賊莫扶豹窠永寧山中居華離之地斗絕善
走屢頓王師連年予巡桂之日上其事勦之凡

四戰

壬寅十月

暫借溪山作戰場無端鼠子敢披猖石稜鎧甲猿梯上
木末旄旄虎穴傍漲海雄風吹鬣栗蠻天曉霧帶胡牀
登壇投筆從今日一洗妖氛瘴癘鄉

豈知小醜致興師節使西來畫角吹萬古誰開懸馬地
三軍日見卷羶時磨刀尚口山君廟葺食雲根槃瓠祠

莫謂書生慚將略曾揮羽扇認旌旗

千層黃葉萬層山賊在山之肺腑間碧玉巉岩藏繡鬚

青羅詰曲帶烏蠻百年誰上麒麟閣一鼓須平虎豹關

勒石波羅名山鐫歲月軍聲齊唱凱歌還

羽書何事尚遲遲迅掃欃槍未有期如彼左擔尋棧道

轉因盤磴憶仇池蠻奴久隔周官法鬼物遙從禹鼎窺

可似崑崙燈火夜忽聞三鼓賊平時

桂林和鄧孝威見懷元韻

秦淮近况復如何往日繁華六代多百戰關山傳鐵馬

三宮粉黛付烟蘿文章不朽知誰信瘴癘炎荒老更過

近接揚州書一紙猶然憔悴說干戈

灘江南下水潺潺海國樓船震百蠻黃葉爭飛五嶺路

馬頭忽見萬重山獨憐遲暮常為客何事馳驅尚未還

往日提戈兼躍馬竟無大業著人間

欲附青雲愧白頭無端更作桂林遊公卿洛下吹噓少

仕路天邊魍魅稠秦帝障亭留小尉漢家符璽過交州

風煙舛互華彝隔一水中分南北流

嚴關萬里真邊塞歲事崢嶸薄季冬略記當年白水驛

飛觴共對大司農謂戴若華也章陵蕪沒聞鳴雉梁父悲吟感

臥龍醉眼昏花鴻雁杳三山五嶺隔重重

雪涕前王憶舊恩淡宮一炬燄朱門鶴鷗啼罷香魂盡

薜荔苔封戰骨存節度何來還繫馬舍人帶酒一窺園

不堪重帛經行地獨秀山高落葉繁

往戊子定南特疏題子撫黔

周郎謂周亮遇赦東歸日聞道與君共酒卮白首欣逢張儉

在當尊更賦李陵詩維揚自古多金粉爪步年來少戰

旗倩爾南遊無不可黃柑秋熟正離離

十年鍛羽知何意半世蹉跎走帝京誰解當歌憐甯戚

忽教一語識然明人材未盡山公死天上常懸吏部名

每向秦淮思往事白頭賓客獨沾纓

謂高郵鐵山相公

憶昔

推轂臨戎賜尚方相公唾手報君王黃金括盡填元帥

白羽飛來築戰場桐葉秋殘朱邸外玉魚畫出石麟旁

中原已棄西川去尺寸山河負上皇

偃師戰罷氣先摧一夜襄陽跋馬回鐵甲已隨輜重盡

紅顏更傍玉鞍來火延安慶三山動戈下江州九派開

聞道金陵風物好幾年染指鳳凰臺

詔書平賊竟如何急羽飛來夜半過京索曾聞鏖苦戰

二陵風雨更滂沱元戎報國潼關上闔宅香魂義井多

妻妾死者七人百二秦川無可恃長驅鐵甲渡黃河

蟻聚茶山盜賊稠掃清光固鐵兜鍪水犀軍已收淮甸

銅虎符仍壓壽州六代還開元帥府小朝早失靖南侯

低徊細說金陵事不合王敦在上流

尚書戰劔秦關日鷄子將軍過潞州馬上歌喉金翡翠

尊前舞袖玉筵篔馳驅冀北收群盜談笑江東取徹侯

若使斯人還不死肯教良玉下南樓
良將從來說趙邊雁門南下一烽傳丈夫許國憑長劍
婦女臨戎跨錦韉膏粟黃沙摧虎豹僵屍白晝賀烏鳶
三千義卒同時死無補山河亦可憐
元戎牧馬居宛日鼙鼓西來壓郡時百戰刀頭猶裹血
先登隊裡更搴旗轉憐報國心偏壯能使全軍死不移
况復長安事已去秋風禾黍正離離

出師

以下續
滇黔集

荒城鼓角度蠻雲百粵山川帶楚分未是區憐煩太守
差同浪泊下將軍蜂房鳥徑生猺窟殺矢歐刀老獠羣
更見簪花成女伴溪邊赤脚石榴裙

永寧馬易生叅戎

山草庵廬靜不譁烏程每日醉君家軍中曉露征鴻度
嶺外輕風燕子斜上將封侯來隴右英雄割據本長沙
春光九十還難老開遍安南幾樹花

永寧師

黃花爛熳誓蒸徒贏得郊原麥浪鋪瘴癘炎荒還躍馬
崎嶇廢壘尚鳴弧敢云才果如滕撫未必功成似武都
計日王師方振旅春風寶劍度珊瑚

送石荆山移軍蒼梧時予視師永寧將有黔州之
行

遲暮相逢百粵天此番一別更淒然萬山蠻雨侵蓬鬢

兩岍楊花滿戰船異國分飛嗟遠道同心邂逅是何年
關情羈旅兼垂白努力封侯早着鞭

別故國八年矣薄遊桂林更得黔臬視師行間率
復賦此

白髮年來困老兵提師今過鳳凰城羣溪帶作青羅遠
疊嶂山如碧玉橫飛輓幾家聞夜杵庵廬到處只軍營
三年嶺外緣何事苦熱猶爲萬里行

八載飄零憶故鄉近來兩鬢漸如霜冗官不合來南粵
策杖何堪更夜郎自昔書生傳陸遜只今漢署羨馮唐
茱萸河畔蘆筒酒潦倒山翁醉幾場

將去黔留別抑公西粵

嶺外相逢復幾春與君同作宦遊人連年戰伐山河在
久住蠻彝禮俗馴海內知交存舊雨一生書劍老邊塵
願君早入金華仗方岳從來稱外臣
榴花爛熳酒盈卮惜別長干自一時亂世交情雙鬢老
巖疆宦况幾人知金張地望誠難問楊馬文章喜共持
我去黔中子寄粵茫茫後晤是何期

偶題

半世遊踪只瘴鄉桂林纔罷又黔陽久居荒服如遷客
老舉佳兒是宦囊子容朱陵生第六子今廣州又生第七子破賊曾聞書一紙登山
不計酒千觴西南天地多佳勝從此光芒萬丈長

蒼梧別督帥于公

炎鄉風雨夜何其况復嚴城鼓角悲嶺外初開都護府
雄風日展定蠻旗樓船已見來天上符璽今看過海陲
往事還思陶太尉一身果自係安危
興朝柱國古通侯望漢臺邊杜若洲玉帳霜明金鎖甲
龍旗日閃鐵兜鍪陶璜恩信連交趾吕岱威名遍廣州
三載上公鈴下客夜郎欲去且遲留

蒼梧大水癸卯六月

東南澤國水縱橫一夜洪濤嶺外生忽有魚龍遊近市
乍看舟楫渡層城鷓鴣得食天吳喜蒼兕喧鼉海若鳴
聞道長年談往事慣將大稔望西成
又別王子儒副戎

絕脰沙場不死身相逢如遇九原人每當鐵馬經行處
輒憶金創苦戰晨剩有雄心堪射虎餘生盛世不圖身
亦知卻穀稱元帥未許江湖老角巾

陽朔舟行

鐵骨峻嶒蘚滿身千年常壓此江濱慣迎舟楫無生客
更長兒孫護馬人龍陣魚麗呈變態蠻王海怪是元神
樓船却憶征南日一水還能下九真
荻洲煙火出山臍身代烏犍手代犁隔水東鹽先祭鬼
乞隣紅米每呼妻藥藏匕首防仇客跨下蠻弓捕竹雞
種得芋魁如斗大瓦盆盛酒醉如泥

土銼藜牀對席門疎籬日出散雞豚宗親好會獼猴脯

詩史卷之三
兒女佳期荔浦村雜佩雲鬟羞衛足腰刀紅帔每驚魂
嶺南流土原兼治禮俗而今漢法存
衆山羅列走江濱半是蠻彝半漢民乍見茅簷飛鳥道
居然戶口是猿身南中自古炎荒地北闕何來仕宦人
無怪向來成割據偏安草昧也君臣
萬山塊壘亂如麻一線中通到海涯毒草蠹蟲盤古戍
金章寶馬葬蠻沙霸圖無處容劉隱踞險何人更呂嘉
却笑關中秦帝子徒勞畫足不成蛇

再入黔

二十餘年老制科征帆此日又牂牁敢言歲月蠻中若
如此山川我再過聖世遭逢良不易老來瘴癘欲如何

却憐往日曾開府手板重持感慨多

漸覺頻年老病催一官萬里獨徘徊入宮耻借丹青力
躍馬元非跳盪才地接金沙青象出山連巫峽杜鵑來
春秋冠帶還如昨香火蠻王御史臺

早發益湘

萬山草樹帶寒流石徑微茫嶺外秋蟲響畝田爭入寺
橋通極浦半銜洲長看譙鼓畱山角乍聽漁歌入市樓
因子還思汾水上雁門勾注舊曾遊

東安高山寺赴邑令喬良夫招飲即事

秋山斗酒對青螺檀板朱絃白苧歌萬里一身常道路
三年兩度此經過雲連箐竹炎荒近水下湘蘭楚塞多

况是天涯知已在千觴莫惜醉顏酡
荒城鼓角掛殘暉按部笙竽滿翠微老樹當軒黃葉下
雜花帶雨早秋肥江聲怒挾松風上橋路斜連雉堞飛
往日登臨成底事山僧解識舊征衣

三過武岡晤吳守

征車帶雨走蠻方白坂黃泥下武岡每過朱門思舊邸
况逢落葉是他鄉荒城斗酒三年夢亂裏交情兩鬢霜
我去黔中君滯楚音書常在五溪旁

赴黔臬別梁培元靖州時公將之官吳中

三年兩過靖州城屢見飛山馬首生異國初逢黃葉下
蠻方更聽暮猿鳴相看聚散還今夕無那江山是別情

建業如逢黔郡使驛書早寄故人聲

征塵衰露滿秋林異國相逢坐夜深老去交遊誰健在
向來文字許知音間關短劔烏蠻路蘆荻輕舟白下心
把臂天涯同雨散楚山落木暮猿吟

沅州周開府

上將軍聲讐百蠻崇開制府壓湖山龍驤自啓滇黔路
虎踞遙當楚粵關八郡良家嫺白羽五溪元老正朱顏
時清不用披金甲雲夢常看獵騎還

江城山勢擁巒岼畫角期門上將壇澤國苗徭開幕府
部中屈宋盡材官山推衡岳雲霄近水下洞庭日月寒

山海經洞庭作銅
庭洞本有同音

戲下車書通萬里不勞往事築京觀

崔修庵以滇藩丁內艱還里晤於黔

時癸卯臘盡

羽林金甲滿滇池共醉昆明酒一卮乘暇每看梁苑雪
快遊多在碧鷄祠

碧雞山後有元梁王避暑宮

遐荒劍履憐萱草白旄關

河聽子規倉猝牂牁成舊雨燕山易水倍相思
舊遊復得一尊前萬里逢人倍可憐數載羈愁南詔月

此番歸騎艷陽天荊州報捷無消息海上軍書更幾年
捧檄牽裾俱涕淚昆明回首憶樓船
黔徼水通江漢流孤帆萬里入營州雄風魏博傳開府
畫角漁陽滿戍樓隴畔歸來鶴夢穩君恩未報羽書稠
明公早為蒼生起笑我踉蹌已白頭

甲辰元日貴州試筆

正元恰喜值初晴又報春光徼外生萬里呼嵩酬聖主
幾人持節是長城東南亭障還徵戍江漢將輸苦用兵
祿食驚心頻看劍何時真見泰階平

董懷赤方伯

將相從來產帝鄉三能多在紫薇旁如君自可從龍起
談笑於今出戰場山國西南開別部羽書水陸走名王
卽今郡縣歸苗土不復逢人說夜郎

寄李范林

回首緇塵感舊遊題書今在五溪頭西南天地兵還在
車馬逡巡老未休名士古來多穎上好官况復近揚州
廿年兄弟天涯客還向燕臺憶酒樓

張飛熊自滇移鎮甘肅

春風曉角出邊樓，百二山河指壯遊。
鎧仗新開雙益部，威名舊著五涼州。
伊吾士馬黃龍誓，光祿旌旗青海侯。
露板鏡歌蔥嶺外，祈連山下皂鷗稠。
姑臧城外草初肥，萬里征人捲鐵衣。
西域關河稱右臂，先零部落傍金微。
帳前乳酪休屠壘，霜磧黃羊勅勒圍。
酒郡關門還咫尺，將軍况挾虎符歸。

甲辰午日東山

東山竊喜傍城隈，彌望遙空翠色來。
羈旅天涯還五日，欣逢佳節更登臺。
丹梯白石松風過，碧澗朱樓鳥道開。
却憶金戈鐵馬地，幾時乘興一啣杯。

棲霞高處泛蒲卮，五日登臨又一時。
千片芙蓉環塞出，一灣舟楫引杯遲。
荒城隨例還簫鼓，父老逢人說亂離。
聞道水西方躍馬，至今猶見渡瀘師。

龍場懷古簡張晦先

曾搦驪珠天上回，遐荒瘴癘為君開。
無端魑魅逢人笑，倍有風雲翊運來。
羈旅常年羞走吏，牢騷天末獨登臺。
烏蠻亭館垂楊歇，清磬斜陽古寺隈。

憶舊

夜雨梧桐淒斷絃，西風零落舊花鈿。
紅顏自古人稱悞，薄命難逢我見憐。
蛾簇雙眉逐去馬，鸞分曉鏡過他船。
爭如歌舞深宮曲，流落蕭關倍惘然。

吳姬趙女散飛煙回首華軒倍可憐絕代佳人今逝水
錦衾同夢是何年不應老子情偏苦纔別朱門意已僊
寶瑟瑤琴成浩歎可能共泛五湖船

垂老天涯祗自傷滇雲底事斷人腸半週遺腹情堪痛
嶺外嬰兒淚幾行倚徙空庭悲落葉闌珊病骨憶新粧
獨憐短巷車聲裏猶憶顛毛薄倖郎

別制府楊公

黔中置郡古西偏萬里遐荒節制專司馬軍書堪破敵
從龍元老正籌邊幾人門第稱華族更見旌旄出少年
磨石水西還作頌高文欲並蔡州傳

別徐偉公

長沙對酒獨相親三過君齋送遠人竊喜今朝重把臂
忽聞祖道更傷神天畱我輩西南角人是邊城虎豹身
再過黔陽多置酒相逢莫訝遇公頻

冬日觀昆池

滇南澤國枕昆陽勢接金滄萬里長東夏山高難赴海
九州圖畫獨稱梁雄風也自開偏霸荒服居然莫海王
萬木蕭疎人事晚幾回立馬向蒼茫

憶相如

漢皇遠畧簡詞臣開闢西南亦有因荒服不須勞士馬
蠻中也自識尊親酌功不用通侯爵拓土偏宜賣酒人
孝武材臣衛霍外誰知將帥本儒紳

讀史亭詩集卷三
楊升庵遺址

先生遺址寄窮邊名世文章指數椽不謂孤忠遭遠竄
轉因盛世惜華年獨逢瘴癘歸無日老死西南亦可憐
議禮諸臣皆暴貴至今姓字幾人傳

水西大捷

西南戰氣望春回露布雄風壯八垓戍鼓爭傳霜葉下
山花欲傷陣雲開千年甌脫登王會萬里蠻煙擁漢臺
可許拓疆青海外燉煌使者自西來
近道三軍破水西名王飛檄手親題身經百戰羣獍盡
壘壓三苗萬馬嘶自此長纓歸闕下還看解甲與山齊
蘭滄江上龜茲部夾道連雲畫角低

鏡歌羯鼓板橋東臘月山花開正紅摩盾將軍初躍馬
射生虎士舊彎弓輿圖久列要荒外王制新昭鬼井中
九野應知還率土本朝大業盡崆峒

寄懷周元亮

昆明池畔青州客對此能無憶遠人雨雪薊門南北路
間關海國死生身未成亡命家先破雖遇生還赦亦頻
聞道濟南名勝地使君部下走于鱗

蕭蕭襍被即南征未及一言送汝行並命臧洪原不媿
同遊李固竟成名臨危時吐驚人句百戰長存海外城
西極東陲幾萬里天邊雲影早鴻聲

送李嵩岑之河南右藩

使君旌節指中州便道今稱故里遊楚漢兵戈開宛鄧
洛陽風雨接陳留平臺雪滿梁王苑艮嶽花飛汴水流
莫向中原思往事朱僊南去武昌侯

酌酒飛花一送公秉鞭作牧更誰同四時測景陰陽會
一畫陳書河雒中地近山東多水旱雲連關陝易兵戎
常年勝蹟夸門路白草蕭蕭急暮鴻

汴堤楊柳綠鬢鬢鄉里遊觀自昔諳幾載青山閑命屐
於今白髮愧抽簪登封湯沐留嵩少耆舊衣冠重汝南
我寄昆明一萬里何時共醉菊花潭

陸離劍珮去東周伊洛山川據勝遊嵩鎮千尋凌五嶽
黃河萬里瀉中州憐予薄宦三遊楚得子滇雲一共舟

此日昆陽還載酒掛帆遙指洞庭秋

贈友人

百二山河古帝京戎車駟鐵本秦聲洛陽策自英年出
汾水書從教授成橫草沙場堪駐馬勒碑絕域欲休兵
天涯暑雨芭蕉綠樽酒紅燈六詔城

雨中泛昆明池

微雨輕寒恣勝遊蓮花開遍木蘭舟烟巒佳處剛逢寺
桂楫行時不避鷗綠柳人爭橋下過火球聲向水中流
烟波極目鄉關遠贏得閒身理釣鈎
兩岼娟娟紅蓼花輕舟蕩漾樂無涯約有蜻蜓掠我過
閒看黃犢背人斜太華山樹時屯鶻故國遺宮但噪鴉

詩史亭詩集卷之三
青草平湖時騁望西南煙火幾千家
國門咫尺接平泉跨馬臨風一扣舷鐵壁嶙峋孤磬出
江城浩淼一帆懸西南羽檄金錢地焚爨畚耕瓦卜田
為憶成都楊太史龍蛇猶見繞雲烟
六月昆明秋色早紫薇菡萏互爭開况復攜尊佳客至
無端手饌白魚來畫船簫鼓天為霽暮夜漁燈月滿臺
明日虞卿歸去早登臨莫說大夫才

附

恭次前題韻

始搏

烟雨微茫聽棹謳五湖之外五湖舟差同震澤東南
滙獨異江河西北流雲影天光相上下浴鳧飛鷺共
沉浮沙棠容與蜻蛉水空外何殊鏡裏游

獵獵旌旗暮雨遮昆明池水似京華漫看織女雙星
渡如泛天河八月槎鷓首風搖菰米色漁歌聲散荻
蘆花習流戰艦渾無用四海而今正一家

四山環翠一帆懸自有清音激管絃雙塔影浮雲外
竦五華樓映水中天蠻王織罽酬題句洞主檳榔索
綵箋不比升菴了髻樣畫裙爭寫竹枝篇

拍拍菱絲去復迴波吹綺縠自滌洄烟中盡日疑蓬
島戰後千年有劫灰淡樹雲迷碧雞色蘋花風起白
鷗來晚歸火照星回節深夜魚龍莫浪哀

右恭次先大夫昆明池原韻四首時隨侍同遊者為大兄伯采四兄北
海由萊海登舟至碧雞山之址循梁王避暑宮泊舟海神祠下土爨求
書者麋至先公皆欣然應之搏時未弱冠猶髻髻記至境關有斷碣書
楊升庵先生讀書處又南觀海鬼拏魚蓋龍戶鮫人之類入海手握者

臆者肘夾者口銜者每一出水輒不下十數魚海神象設甚怪猙獰
藍面不識何神然皆有名號亦皆莫得而考是日爲六月廿四日土人
謂之星回節晚歸遍山燈火照燦絳天地云滇王某於是日遇害故歲
祀之尤異者先公廿五歲時違病幾危夢至一處衣冠人物迥異中土
恍惚云是滇南七日後甦具道所以及後官滇所遇城郭山川僧藍耶
舍悉與夢中符此公水南絕句所謂夢中曾記舊遊滇也猶記此日過
升庵讀書處傷隍久之既去猶悵悵顧步孰知甫匝月於七月廿八日
辭滇三十里抵板橋屬疾猶爲同官及親友染油素無數至半夜而逝
蓋升庵奉赦還至板橋一夕卒先公亦終於此天也人以先公爲升庵
重來如身毒氏前後身之說固不可知即先公詠升庵詩亦有獨逢瘴
癘歸無日老死西南亦可憐之句遂成詩
識痛哉康熙己丑三月十五日男始搏誌

讀史亭詩集卷十三終

讀史亭詩集卷十四

南陽彭而述禹峰甫

五言排律

潭州寺

嘉魚下江岍

曉霧初開日春江受穩流酒帘出極浦漁市落新洲風
轉孤篷角人行古渡頭烏啼空啞啞鳥語自啁啁寺古
袈裟在墻隕薜荔稠遙煙村與合香稻估爭收鏖戰猶
存壁飛仙不在樓客心值羈旅誰與送鄉愁

東岡

斷岍留殘雪空江帶晚霞蘆中魚網密天外雁書斜古
戍金河驛孤帆漢口艤煙輕春入柳日煖樹呼鴉垂白

猶羈旅頻年在水涯戰功餘赤髯謫宦自長沙鄉夢同
王粲文心媿木華長鯨睡正穩山鬼靜無譁杓泛巴陵
酒甌餘南岳茶穿林來嫗母隔岍即村家到處宜看竹
中田學種瓜穿籬雞樹柵夾道犢連車積貯多菱茨初
筵但蠓蝦甕瓶充白釀柴擔湧枯葭山勢舊環楚江身
遠控巴三湘方臥鼓百粵尚吹笳澤國新春月殘梅昨
歲花嶼巖眠虎豹古寺動龍蛇跋扈從誰羨蹉跎我自
嗟雲臺名未達銅柱願猶奢驅石嗤嬴政補天非女媧
草疑賦鸚鵡舟泊喚琵琶久被才名誤難言時命差澤
觀雲夢潤水是洞庭遐日計故園草春生幾部蛙

輓孝源

大物歸炎嶠元臣老絕陞乾坤合板蕩造化一瘡痍佳
氣春陵散颶風溟渤吹亂流失寶楫大事喪元龜所歎
全軍覆難將一木支馳驅留馬柱涕泗下羊碑蠻雨凋
鼓桂酸風苦荔枝纔聞置嶺戍無復渡瀘師憶昔曾同
塾他時或問奇讀書百紙盡學劍萬夫推曹植雕龍筆
張公海鶴姿雲間或豎子文舉是佳兒策射洛陽日名
成公瑾時連鑣薊北道痛飲大梁祠鸚鵡翻歌袖鸚鵡
飄酒旗婆娑舞白苧潦倒聽黃鸝通籍當丁丑分符蒞
大伾折腰聊復爾強項固難移花發潘何早鳧飛葉不
遲黃麻鳩鵲觀白簡鳳凰池侍從每隨獺明良恥摘驪
尚方劍許借溫室樹難窺白下驅星使潼關走鐵騎飛

狐沙漠漠倒馬雪垂垂瞥眼燕臺折傷心寢廟危攀髯
既莫遂騎尾又何之拓跋河陰禍廣明冤句悲臺城踞
侯景凝碧醉王維典午還江表康王復水湄豈知厝火
伏仍作處堂怡鼓角武昌下樓船湓口隨王敦原狼抗
蘇峻復猖披難使太真見莫教陶侃知蕪湖方返棹建
業已乘陣不少韓擒虎誰稱郭子儀帝帷沈翡翠宮瓦
碎琉璃青蓋真將去歲星無所施彌天驕獬獬薄海縱
蛟螭魂散麗人井香銷公主肌楸松劈鍾阜瀕洞壓彭
蠡日月方龍戰宗祊失燕貽烏衣空慘淡朱雀尚躩踞
指鹿人何去從龍徒爾爲公時在贛水開府仗軍麾豈
不念更始無從效子皮劉琨勸進表庾信哀江辭蕭登

今焉往劉崇合在斯雲臺築嶺外麟閣起天涯坐惜蒼
梧痛深慚佗尉嗤哭應來百濟國豈讓龜茲洗氏方開
廣黃公舊授圯揮戈仍仗義拭淚正交頤敢謂廟中鼎
還同澤下麋雖聞讐國論不忘出車詩蕭鄧人猶在高
光事可比孫兵堪奮臂蠻女也操鋤樹亞桄榔小沙寒
勾漏卑岑溪戰伐地博白霸王資江北聞張浚交南借
孔戣龍城明翼軫象郡轉雍熙握手新亭淚臨風秋浦
卮偷生牛首側避世九華屋嬾去不須櫛醉來時倒羅
泝舟入漢沔遮馬見狐狸仲蔚蓬迷徑柴桑菊滿籬薄
遊良以倦多病乃相宜不謂一行去旋當萬里疲負靈
臨晉魏叱馭過雍司鄂渚歌黃鵠越山聽子雉誰能珍

馬骨世解妒蛾眉未及橋孫水翻來啜紫芝笠應還念
珮玕豈不憐夔敢擬匡衡薄致令延壽隋馮唐遭自晚
李廣數原奇莫洗中山篋誰憐長信姬乍嫌遊洛陸爭
似入秦睢自古侏儒飽曾聞季女饑已而莫可贖來者
尚能追樂志論長統三都賦左思平原乘款段暇日采
江籬自念身將隱何妨學並嬉看山雨後屐飽客露中
葵置驛還千里悲歌戒五噫風塵雖已厭筋力未全衰
往歲當辛卯鳴鞭跨九疑聞君忽不祿乃在粵西達葛
相血空灑宗公恨逾齋江山忽憔悴歲月總支離真宰
誠何意中原棄若遺嚴關摧虎豹舊夢脫熊羆坐看中
台坼真同天柱虧鷓鴣啼斷續鴻雁影參差湘水空流

血南軍見載尸枋頭報日至灞上捷無期白髮歸長夜
紅顏捐翠帷一棺投故國九錫謝丹墀綵筆思鸚鵡我
冠想駿驥時艱方杌隍退食敢委蛇來鵬空傳賈嗟麟
乃見尼旅魂應入漢舊鬼尚瞻淇靈氣歸嵩嶽陰霾捲
具茨青蠅陪螻蟻白玉長蒿藜海內猶鳴鏑墓田驚吼
鳴名山藏鼯鼠賜額待罌甃自雍門奏鶴將華表疑
有兒堪官構一弟乃吹篴春甕獨難醉江螯誰共持法
書開古塚佳句耀新黎轉使同人慕難言我輩私良朋
成異物感舊倍淒其涓水寒流斷花洲百草萎黃壚人
已杳白馬路仍岐十載霜窺鬢今年雪陷髭堂雖羞綠
野塢好署辛夷雄賦原追馬君才舊勝丕春衫踏紫陌

寶馬躍金羈尚憶廣陵曲還思太傅甚長安車馬客猶
自說皇基

丁酉四月汪徵五江防之蘄州客潭送之兼陳懷
抱得三十八韻

送子逢初漲當尊發浩歌夏雲停白苧華髮照青莎燕
子乳辭母郭公晴喚婆蠻煙迷岳麓山鬼跳湘波戰象
環朱鳥胡笳嘯紫駝高牙新府第斷塚舊山阿江左猶
飛輓天南未息戈髻椎驕百粵華路帶諸羅鐵馬頻年
禁樓船此日過通符彌冉竿捧檄下牂牁花戍屯貔虎
銅官走鸛鵝炎荒方置吏盛世更開科陸賈心誠壯馮
唐髻已皤伍曾羞絳灌罪久詈王何雞肋名空戀燕然

石待磨徒揮楊子淚未起茂陵疴逐客遊三楚麗官笑
五絃鳴榔懷正則挾瑟弔靈娥臺骨虛存駿宮者解妒
蛾嵩山芒底杖白水雨中蓑不復任安至將無醉尉訶
上書來紫極策杖度黃河談笑收雍閩旌揮定趙佗鷓
鴒供宿鮓醺醪泛新螺君自乘華轂我方依女蘿爭憐
俠骨減可愛旅顏醜勁旅甲藏兕晴江鼓息鼉竹樓還
浙瀝赤壁故嵯峨建業千帆出荆江一練拖名僧匡嶽
錫估客廣陵齧習俗連淮蔡遙威制沔沔鴻軒香浸柳
龜渚綠生荷別賦魂原黯離筵舞欲傴烏聲山送管花
發錦成窠落日聞鐘杵殘隍見石溶暇時多置酒入郡
酌東坡

將歸里奉別經略相公

六月

聖主推輪日元臣秉鉞年三台開氣色萬里入星躔北
關勾陳動南荒太白連再賡天馬頌重奏旅獒篇楊柳
蓉園鉞戈橘柚天虹霓明組練霹靂下樓船方叔猶元
壯長源骨本仙舳艫供白粲帷幄吐青蓮令肅江陵鎧
誠通疏勒泉洞庭纔飲馬西里正飛鳶猺女編雕髻烏
蠻墾棘田海邦占斗至重譯指車旋孔雀增軍飭檳榔
薦客筵精勤陶太尉幹略韋西川應見珠池媚兼逢火
井然猱兵還易合燧象莫爭先融盡長沙鐵攤殘少府
錢陰山名舊在背水法難傳部曲汾陽並旌旗光弼前

使應通鄴善樂合譜于闐令子追張栻阿戎復謝玄誰
云杜武庫竟失馬文淵異姓侯王表專征斧鉞權金沙
江浩浩銅鼓草芊芊鞮鞻歸王會梯航到日邊錦囊陳
太廟羽箭繪凌煙好拭淮西石留爲韓愈鐫

耒陽道中三十三韻留杜祠中

蒙茸山脚路杳靄入回谿怒石逢人上殘霞掛樹低牧

兒癡狎虎春婦巧呼雞山勢誠如耒

水經注
耒水

火耕猶借犁

危橋閒翡翠斷嶺吐虹霓枳落人煙細楓香野徑迷蛇

盤凌石級鳥道入丹梯画閣空梁燕陂塘卧野麝郵亭

愁府主阜隸惱輪啼不少租庸吏其如老寡妻十年窮

水旱萬里動鉦鼙

時方計
雷貴

劍挿百蠻外弓懸六詔西職方

容保國正朔走雕題賤子來何暮驅車道轉睽朱陵搜
玉簡白首悵金閨民社身無補圖書手自攜浮湘追太
史陟嶽起昌黎病骨憐黃葉驚心負紫泥炎荒多舛互
苗壘失端倪古尚鵙鷓叫懸崖蝙蝠栖垣衣隨意長石
髮與眉齊嵐結蒼梧黯雨來柳水淒比隣垂橘柚往事
築鯨鯢九畹蘭空發千章木共擠筍輿遊樹頂茅店出
山臍疊嶂頻看畫危橋獨杖藜午煙嬌蛺蝶淺瀨浴鳧
鷺霸業荊州牧神功夏后圭人餘盤瓠種地盡貢茅畦
風物連交廣山川似會稽辛夷解作塢雲母忽成隄已
自南車倦兼聞北雁悽遺踪詢杜老騎馬到招提

柳州蘇仙山

乍晴光瀲灩出郭望披離馬首群峰向車聲一葉吹宿
雲擁古寺殘稻落深陂數點人家聚沿江岫木委柿紅
何纂纂柚老故垂垂蛇徑盤松上猿吟傍礪移餘樵留
楫拙壽樹學躩踞洞壑森無極煙嵐竟有知諸巒走似
豆偉木縮如薺草沒前朝寺蝸吞無字碑懸崖石欲墜
絕壑攫爭窺廢壘王孫塚英魂楚漢疑佳山誰命酒往
事付彈碁不見仙人鹿時看澤下廩炎荒窮戰伐薄海
尚瘡痍苗壘衣裳古山禽毛羽奇星躔翼軫盡地與粵
甌期遺種傳三戶鄰封跨九嶷百年王會日一統計偕
時不盡鄉關念臨風感在斯

石鼓留別同事

傑閣憑江立春晴送客行三年容薄宦萬里此長征舊
草當軒發殘霞入座明帆檣吳楚雜窟宅獐猺橫禹德
惟存水虞巡尚紀衡草橋遺斷鏃燧象抗前旌虎視猶
南徼鷹揚自北兵血流香水暗骨積藥山平古渡殤魂
斷沙場綠草生名王今解甲上將已連營歲序還如昨
山川見幾更昆明方飲馬嶽麓忽聞鶯留滯嗟雙髻飄
零感去程廟謨崇略地時事每呼庚未逐蕭王駕誰開
光祿城却憐朋酒意難尉別離情

辛丑夏日自滇入粵過沅留別袁中丞

半生嗟塌翼會已失東隅落拓山公啟悲涼阮氏途上
書嗤逐客著論老潛夫歲月雕蟲技行藏轅下駒未能

忘竹帛豈不厭葫蘆管樂名雖忝風雲志未孤上書紫
極殿鼓柅洞庭湖上相親揮鉞中丞歛佐樞封章排帝
闕傾蓋拔泥塗衡嶽朝飛雁牂牁夜渡瀘五溪連越雋
萬里走蒼梧華饌羅肥羜金尊倒夜烏南荒遺小腆上
國誓蒸徒戍卒當瓜代儲胥慮癸呼千帆輸白粲萬馬
過流蘇漏箭傳鈴閣邊籌貯玉壺烏蠻安部落紫犄保
屠麻已讐山魃窟還披猓國圖菁茅今入貢蘭芷不曾
無擊汰空明見浮湘縹碧殊常年依大樹感遇愧微軀
握手沅江月離筵響鷓鴣

辛丑夏五交趾來歸西粵于撫軍享之慎德堂即
席有作

萬方歸正朔平秩到南交漆齒今來闕雕題解貢茅便
開九郡路還覆百蠻巢陸賈腰間璽文淵馬上鏡戶移
人就日珠走淚成鮫瘴雨龍人黑炎風蜃氣拋嶺南方
節度裸國莫咆哮貢入鴻臚館鮮充光祿庖中丞初仗
鉞邏卒正鳴笳火浣文堆錦撞棉浪疊蛟豹胎隨意饌
鳳管入雲旂榴燄纔薰閣蒲漿更滿匏鞮行省醉宮
徵碩人敲椎髻裝難解殷盤語最聳羽干還作舞地水
忽成文臣妾連他族侏儻奏近郊上方來蒟醬西極獻
蒲梢前此黎陳亂邊陲士馬虓負嶠匪一姓問罪有二
苞竟使朱崖棄誰云漢業包今皇真崛起殊俗敢紛
吮喙駮終當息跳梁不用勦越裳如有問四海竟同胞

虞帝祠

度嶺來西粵荒祠拜有虞松杉纏水澗俎豆切城隅歌
逐南薰散風吹大麓孤空檐時掛狄老桷只棲烏方岳
猶中土璣衡入舊圖蠻沙迷玉瑄邊月照金樞路入三
苗國榛開百粵塗鴛鴦存古瓦橘柚滿平蕪玉輅巡應
歇湘妃淚欲枯灘江如瀉汭蒲坂倏蒼梧廢井森葵兔
殘疏罨網蛛風煙九郡外猺獞萬山徂丹雘青苔落翠
華山彪扶乾坤留揖讓歲月老笙竽協帝垂堯典傳賢
振禹謨零陵思傲弟蒸爨幾躊躕

再過鐵鎖橋

順治十七年予以滇藩來遊閱甲辰再至

黔道原通楚岷流不會滇陣雲奔似馬竹箭激如弦地

是華彝界人居要害邊我皇開國日式廓啟疆年羽
檄分三路星河捲四川六軍懸鍊綆萬里度人烟不謂
馮夷怒翻成海若愆蛟龍失故性金鐵化重淵叱馭來
危棧掄材倒絕巔經營何慘澹結撰亦高騫不借四維
力獨尊八柱權鑿空崖失險午貫木相牽長放烏蠻路
還開尺五天遠臣應有頌再進白狼篇

七言排律

舟發全州北歸

南來匹馬冬之日北發扁舟西粵城一抹青螺雲母色
千林曉瘴鷓鴣聲鼓篁疊溼衝雲出小艇寒破浪行
敝屣溪邊蠻窟女短衣道上朔方兵高春日下催歸騎

孤枕江聲對夜檠官吏黃頭充驛卒人家烏鬼代漁丁
連旬陰雨江身濶一夜順風山脚晴老婦匡牀儲白米
奚奴頓飭啜黃精臘殘樹杪還存葉霜薄花枝未落英
魚鳥仍應思子厚虬螭且莫侮真卿

涪溪中興
頌魯公書

懸崖石鏡

何年罟絕頂丹鱸誰所撐蒼蘚寒流吞碧筍霜皮古木
帶朱瓔橘移江北從難變雁過衡陽且自征妃淚不隨
湘水竭韓祠又見嶽雲生書成金玉闕神禹紉纈椒蘭
見屈平火赭競傳羸氏樹樓船舊是漢家營炎荒徼外
存君長苗壘江邊歇鬪爭沙上短狐常射影山間野鳥
自呼名冬天雨作夏天漲一日舟兼二日程風轉鷓隨
波九折渦盤龍睡月三更艙中載有鴟夷酒手內時持

兕角觥小菜百錢欣可買鮮魚半尺况初烹新來病婢
能拈齋舊畜蒼童解弄笙娛客何頻來翡翠長鳴不去
是駁鯖風塵兩髻留南國書劍頻年老上京杜甫浣花
空滯蜀仲宣作賦尚依荆門非玄武冠堪掛山是鹿門
妻可耕五世韓恩終未報七朝秦哭竟無成匡扶有願
思王猛官爵仍書異許衡鼓柷已臨洞庭渡前麾共識
夜郎旌數峰青處聞湘瑟不斷香來是杜蘅掘閱衣裳
猶楚楚荒林笑語半猩猩一王鹵簿黃金用五等諸侯
白馬盟久客梁園雪屢賦纔離楚席醴方醒前來漢上
垂楊綠此去瀟湘落葉輕到處江山成慘淡爲看歲月
復崢嶸茅齋近倚三花樹尊鱸長懷千里羹壯志不勞

嘲斥鷃春犁好自聽倉鷄

弔王文安公

有引

先生以壬辰年春下世某哭其里詩文若干首
閱今年乙未予薄遊京邸往晤次公藉茅太史
方督石工爲先生鐫所爲詩誥尺牘之類俱屬
先生流傳舊交家者藉茅歲月徵之付石此真
書冊栝棧意也可謂孝矣予再三讀掩袂黯然
念予得從先生遊二十年受先生獎拔不遺餘
力今某鍛羽日久泥途莫振使先生而在某寧
鬱鬱久居此耶歸栖蕭寺孤燈寂歷爰譜平生
潸然流涕

病骨闌珊倦不支客心憔悴淚空垂十年車馬長安散
萬里荆榛孔道危憶昔連鑣吳會日方纔投刺孟津時
詩傳張鎬鬚髯異史著虞翻骨相奇博望槎凌牛女石
响嘯篆勒祝融碑微言半吐真河漢奇字剛成薄鼎彝
鐵騎此時傳上黨黃巾遍地走清淇泥沙梁苑無乾土
風雨殺陵復喪師倒馬關前人不度飛狐嶺上鬼相譖
左或叫於太廟譖譖出亂流莫憶筮篋引疋馬時聞感粟吹燕子巢林
傷濟水桃花飛路黯臨淄空聞丞相裴中立未見將軍
郭子儀江上青袍春草色驛前白馬濁流漸叵羅淚對
廣陵酒短褐晨裁瓜步詩貧庶吳中良自苦掛冠神武
不須疑角巾半在西湖曲垂釣擬臨嚴瀨湄不謂大行

皇帝去忽教天末老臣悲清談舊薄王夷甫險阻還遺
介子推六代都空龍虎氣長江水涸鳳凰池可知天意
渾南北又使乞工失柱維鄂渚征輦猶未息中原戰壘
已相隨荆南自失岑文本關內忽來江總持捧詔兼行
秦蜀路登封正屬夏秋期孤筇直躡蠶鼓險九折寧辭
鳥道欹杖底青龍分華掌囊中白雪鬪峩峩歸來一棹
滄浪舛訪我雙扉白水陸短髮頻催燭武老久遊今見
長卿疲郵亭蕭緘深相念杯酒殷勤不忍辭藥裹猶臨
少伯寺星軺好付大堤醫時先生病甚予令楚醫徐陵虛隨北誰知一別馬南
郡何處更尋蕭望之憶得辰春風雨夜夢中少保璋琦
姿先生沒日猶見夢為我徵序慘然而別曾將舊約徵乞晏頗似當年說項斯

渺渺千山暮鴉路悽悽二月杜鵑枝台星芒黯司空第
大鳥飛憑太尉祠遮莫於今感逝水飄零猶復困通達
中山滿篋誰相問息壤尋盟敢自祁譽至何能達左右
侯封枉是到偏裨立功不少甘延壽直達難稱皇甫規
師說予慙稱大弟父書今見有佳兒即看淮水流如故
舊識烏衣巷不移禹穴藏書真玉簡汲城出土是元龜
會稽內史蘭亭帖東觀中郎黃絹辭片石寒陵堪共語
千金秦市未能窺陳倉敗鼓苔空蝕洛下殘經字已隳
此物應同天地老靈文自有鬼神司

桂陽道中詩

有引

行桂陽山中間關五六百里聊書所見兼用遣

懷得三十六韻

郴陽左轉路崎嶇地盡東南楚一隅山出雲根能向背
松生石脇任榮枯千林鞶鞞諸靈過四壁陰森怪物趨
奇羽歸巢驚孔雀腥風嘯壑駭於菟蒼藤蛟股花鐫臂
老柏龍身甲滿膚積雨苔生侵古路暗泉響細入僧廚
澶迴幾似禪中虱促刺還如轅下駒雲鑿巒形成杵白
沙明石子盡擣蒲樹腰蛇徑危如棧竹頂蜂房大似壺
途值王尊堪叱馭夜逢李廣定彎弧群峰乍逐秦鞭起
小邑空環楚廟蕪王服荒寒窮鬼國帝魂縹緲接蒼梧
棲雞向夕紛投堞即鹿充庖不借虞鐵鼎環俚炊橡栗
瓦盆時復倒屠蘇弩機解禦鄰山寇罽布新交縣吏租

頗似井陘難禦馬恥同白帝更稱孤車書新自連交廣
風土由來滙楚吳窪下車輪能喫雨懸崖瀑布舊噴珠
沉牛頭角堪撩虎狸竹腮髯欲假狐果熟荒林猿引隊
草封土窟雉將雛徭官画鼓婆娑舞蠻妾羅裳錦繡鋪
落葉踟躕如亂蝶長林浙瀝響飛颺水成磴磨當村口
稻作衣裳裹樹軀不少金沙稱佛地况多巖壑是仙都
志云九仙二佛出其地種傳槃瓠攢香火祠重文淵走覲巫羅列兒孫
何可辨掩來肺腑豈相誣一官留滯嗟南土十載蹉跎
笑腐儒攬轡自遊荆楚地鳴榔幾過洞庭湖初心滅没
仇三徑往事悲涼憶五銖豈謂亡羊同挾筴曾因操瑟
悞吹竽人情舊識三危險仕路還同九折紆關內爭傳

王景略江東竟失管彝吾樓船乍可歸楊僕節度還看
笑鄭愚可奈風煙摧瘴癘不禁鄉社憶初榆窺身蠻岫
垂垂老點髻秋霜冉冉枯欣報前驅開箬弩盡收空翠
入檐楹

廢邸梅花

子官粵無公署以邸傍別業爲治所老梅一株
逢時而發約友人醉其下

鐵骨猶然傍舊廷歛驚白雪帶枝青關山何處吹長笛
消息居然到短亭庾嶺開花仍異候羅浮有夢只初醒
昏黃雀啅浮殘月惆悵蛾眉憶小星曾對歌臺幾爛漫
卻教香閣妒娉婷碧梧玉樹今搖落石馬金仙剩典刑

讀史詩集卷十四
公主粧成傳激豔法曹勝事未飄零海棠欲醉魂先失
霓羽詞高唱莫停上苑風光還歷歷日南瘴雨自冥冥
折來如對珊瑚樹欲插何須玳瑁瓠楊柳腰逢無意綠
芙蓉面遇懶成形同稱姊妹無如趙獨當君王我姓邢
真見藐姑來綽約果然老嫗產寧馨
劉夢得詩幾人雄猛
得寧馨寧作平聲長
門歲久庭飛絮曲檻宵閒草化螢萬里一官同泛梗十
年百粵感流萍婆娑老態憐相似歲月遷流愧屢經遮
莫歸來餘舊侶孤山佳處鶴梳翎

讀史詩集卷十四終

程